

Inatsisartut Naalakkersuisullu pillugit Inatsisartut inatsisaata allannguutaatut Inatsisartut inatsisaat

§ 1

Inatsisartut Naalakkersuisullu pillugit Inatsisartut inatsisaanni nr. 11-mi ulloq 20. oktober 1988-imeersumi imaattut allannguutigitinneqarput:

1. § 8 imaalillugu iluarsineqarpoq:

"§ 8. Inatsisartunut imaluunniit Naalakkersuisunut ilaasortaq tunuarumalluni qinnuteqaateqarpat, Inatsisartut aalajangissavaat qinnuteqaat akuerineqarsinnaanersoq.

Imm. 2. Inatsisartunut ilaasortaq peqqiilliornerminik, inuutissarsiutiminik assigisaanilluunniit pingaarutilimmik peqquteqarluni sulinngiffeqartitannissaminik qinnuteqaateqarpat, Inatsisartut aalajangissavaat qinnuteqaat akuerineqarsinnaanersoq.

Imm. 3. Naalakkersuisunut ilaasortaq peqqiilliornerminik assigisaanilluunniit pingaarutilimmik peqquteqarluni sulinngiffeqartitaanissaminik qinnuteqaateqarpat, Inatsisartut aalajangissavaat qinnuteqaat akuerineqarsinnaanersoq.

Imm. 4. Inatsisartunut ilaasortaq Inatsisartut ataatsimiinnerannut peqataasinnaangikkallassaguni Inatsisartut siulittaasuannut nalunaaruteqassaaq. Inatsisartut aalajangissavaat suut peqataanginnissamut peqqutissaviunersut. Taamaattorli folketingip ataatsimiinnerinut peqataaneq pissutissaqavilluni peqataanginnertut isigineqassaaq.

Imm. 5. Inatsisartunut ilaasortaq ilaasortaanerminut tunuarpat, toquppat, sulinngiffeqartitaalerpat imaluunniit pissutissaqavilluni peqataasinnaajunnaarpat taassuma sinniisussaa Inatsisartut ataatsimiinnerinut peqataajartoqqullugu ataatsimiigiaqquneqassaaq. Sinniisussap qinigaasinnaanera mlsissorneqassaaq § 6-mi aamma § 1, imm. 3-mi malittarisassat naapertorlugit. Ilaasortaq sulinngiffeqareerluni pissutissaqavilluniluunniit peqataasinnajunnaarsimalluni Inatsisartuni sulinerminut uteqqippat sinniisussaq tunuassaaq."

§ 2

Inatsit atortuulerpoq 15. november 1989.

Namminersornerullutik Oqartussat, ulloq 21. oktober 1989.

Jonathan Motzfeldt

/

Aqigssiaq Møller

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut